




Stiftung für eidgenössische Zusammenarbeit
Fondation pour la collaboration confédérale
Fondazione per la collaborazione confederale
Fundaziun per la collavuraziun federala



FÖDERALISMUSPREIS
PRIX DU FÉDÉRALISME
PREMIO PER IL FEDERALISMO
PREMI DA FEDERALISSEM

3 da matg 2022

Communicaziun a las medias

Premi da federalissem 2022: sis finalistas e finalists en la stretga tscherna

Er il segund onn ch'ins ha publitgà uffizialmain il Premi da federalissem ha el sveglià grond interess: danovamain èn vegnidas inoltradas passa 40 candidaturas e nominaziuns. Uss èn enconuschents sis finalistas e finalists. Tgi che gudogna il Premi da federalissem 2022, fan ins da savair ils 7 da zercladur.

La publicaziun da l'ediziun da quest onn ha cumenzà ils 15 da settember 2021, il Di internaziunal da la democrazia. Fin ils 28 da favrer 2022 ha la fundaziun survegnì 43 inoltraziuns, cunzunt d'organisaziuns. La gronda part da las candidaturas han in'orientaziun naziunala e/u in profil cleramain pluriling. Bleras inoltraziuns vegnan dal sector cultural.

La giuria interdisciplinara è sa radunada l'avrigl per discutir l'engaschament da las candidatas e dals candidats per il federalissem e la coesiun interna en Svizra. En il center èn stads ils criteris communicaziun, innovaziun, participaziun, tradiziun e coesiun. La giuria ha gì plaschair da la diversità linguistica, la quala sa manifesteschia en las candidaturas che rinforzan quella cun lur engaschament. La finala han ins tschernì sis organisaziuns per la shortlist. Ils 7 da zercladur vegn communitgà tgi che gudogna il premi.

Las suandantas organisaziuns èn vegnidas preselecziunadas per il Premi da federalissem 2022:

- [alliance F](#) s'engascha tar la Confederaziun, ils chantuns ed en las vischnancas per l'egualità tranter dunna ed um e promova uschia la coesiun en Svizra.
- [Avenir Suisse](#) dat cun agid d'atgnas analisas e publicaziuns en connex cun dumondas relevantas per il federalissem regularmain impuls impurtants en il discours public e scientific.
- Il [Forum da la bilinguitad](#) promova la creaziun da contacts tranter las regions linguisticas cun servetschs a favur da la societad, l'economia e la scienza.
- Il [Forum per l'italiano in Svizra](#) è il tetg communabel d'actualmain 38 organisaziuns che s'engaschan per la lingua e cultura taliana en Svizra.
- [Play Suisse](#) porscha sin ina plattafurma centrala producziuns da SRF, RSI, RTR e RTS cun suttitels tudestgs, franzos, talians e per part era rumantschs.

- [Pro Grigioni Italiano](#) promova dapi passa 100 onns la lingua e cultura taliana en las valladas dal sid dal Grischun cun occurrenz, publicaziuns e lavur politica.

La segunda giada cun la nova procedura publica

Cun il Premi da federalissem dotà cun 10'000 francs undrescha la Fundaziun ch mintg'onn ina persuna u in'organisaziun che s'engascha per il federalissem e la coesiun interna en Svizra. Resguardà vegn in engaschament en la politica, la societad civila, la scienza e la cultura. Dapi il 2021 po mintga persuna ed organisaziun domiciliada en Svizra candidar per il premi. La giuria dal Premi da federalissem sa cumpona da Gülsha Adilji, schurnalista, Danielle Gagnaux-Morel, chanceliera dal chantun da Friburg, Tania Ogay, professuressa al departament per la scienza da l'educaziun e da la furmaziun da l'Universitad da Friburg, cusseglier guvernativ Pascal Broulis (VD), president da la Fundaziun ch, cusseglier guvernativ Christian Rathgeb (GR), president da la Conferenza da las regenzas chantunales (CdC) e Marco Solari, president dal Locarno Film Festival.

Il Premi da federalissem è in'iniziativa da la Fundaziun ch. Cun quel vegnan remuneradas prestaziuns particularas a favur dal federalissem e da la coesiun interna en Svizra. Gia gudagnà il premi han tranter auter il Circus Knie, easyvote ed il cabarettist Emil Steinberger.

Contact ed infurmaziuns:

cusseglier guvernativ Pascal Broulis, president da la Fundaziun ch (021 316 20 01)
Philipp Schori, manader dal sectur Fundaziun ch (031 320 30 14)

La Fundaziun ch – ina fundaziun comunabla dals chantuns

La Fundaziun ch per la collavuraziun federala vegn purtada da tut ils 26 chantuns. Ella promova la chapientscha tranter las cuminanzas linguisticas e las culturas e la collavuraziun dals chantuns tranter els e cun la Confederaziun. Ella è obligada al patratg statal federalistic.